



清言小品菁華

諸
偉
奇
主
編



深圳出版发行集团
海天出版社



清言小品菁華

諸偉奇
殷堃

主編



深圳出版發行集團
海天出版社

图书在版编目(CIP)数据

清言小品菁华 / 诸伟奇, 敖堃主编. — 深圳: 海天出版社, 2013.1

(中国古典文学名著篇)

ISBN 978-7-5507-0595-1

I. ①清… II. ①诸…②敖… III. ①古典散文—散文集—中国—明清时代 IV. ①I264

中国版本图书馆CIP数据核字(2012)第253251号

清言小品菁华

QINGYAN XIAOPIN JINGHUA

出品人 尹昌龙
责任编辑 于志斌
陈 嫣
责任技编 蔡梅琴

出版发行 海天出版社
地 址 深圳市彩田南路海天大厦 (518033)
网 址 www.htph.com.cn
订购电话 0755-83460293(批发) 83460397(邮购)
设计制作 深圳市龙墨文化传播有限公司 Tel:83461000
印 刷 深圳市华信图文印务有限公司
开 本 889mm×1194mm 1/32
印 张 19
字 数 525千
版 次 2013年1月第1版
印 次 2013年1月第1次
定 价 35.00元

海天版图书版权所有, 侵权必究。

海天版图书凡有印装质量问题, 请随时向承印厂调换。

目 录

蛸笑偶言	1
读书笔记	7
经世要谈	13
归有园麈谈	17
玉笑零音	25
呻吟语	35
娑罗馆清言	233
续娑罗馆清言	245
菜根谭	251
小窗自纪	303
岩栖幽事	329
小窗幽记	343
木几冗谈	423
偶谭	431
琼琚佩语	441
荆园小语	455
荆园进语	471
耐俗轩新乐府	485
幽梦影	497
幽梦续影	547
见吾随笔	561
围炉夜话	583

· 清言小品菁华 ·

蜩笑偶言

(明) 郑瑗 撰

诸伟奇 周挺启 校点



整理说明

《蝸笑偶言》，一卷，明郑瑗撰。

郑瑗，字仲璧，号省斋，福建莆田人。明成化十七年（1481）进士，官至南京礼部郎中，撰有《蝸笑集》、《井观琐言》等。朱彝尊《明诗综》、陈田《明诗纪事》对其人其诗皆有载录，《四库全书总目提要》称其“考辨故实，品鹭古今，颇能有所发明”；《莆阳文献》称其“文词浑雄深粹，略无赘语；诗亦稳润，有唐人风致”。

本书为作者的读史随笔，《四库全书总目》将其列入“子部杂家类存目”，为“未经卒业之本”。书中表达了作者对一些历史人物和历史事件的独特看法，反映了经历了靖难和土木之变后的明中期知识分子对历史的多侧面思考和对现实的感知。蝸，即蝉，也就是知了。“蝸笑偶言”是作者对自己著作的一种谦称，意思是微不足道的一些话。

本书被收入明代《百陵学山》、《宝颜堂秘笈》和清代《学海类编》等丛书，民国时商务印书馆《丛书集成初编》据《宝颜堂秘笈》本排印。

本次校点即据《丛集》本为底本，校以《百陵学山》等本。系海内外首次标点面世。郭洁君参加了本书的录校工作。

诸伟奇

2012年6月4日

武侯忠汉，能使后主不疑，而周公之勤王家，反不见信于其君；叔子不鸩，能使敌国不疑，而曾参之不杀人，反不见谅于其母。谗蔽其明，爱惑其听，无足怪者。古之圣人，有能和万邦，而不能使胤子无傲虐，能来重译，而不能使昆弟无流言，一人之身乃如此冥顽不灵，可畏哉！

季羔避难，而阖者室之；子胥出奔，而渔父渡之；商君亡命，而舍人拒之；项籍败亡，而田父绐之：得人之与失人，何啻千里。

陈琳为袁本初草檄，极诋曹公，及归魏，而曹公不责；骆宾王为徐敬业草檄，极诋武氏，传京师，而武氏不怒。英雄之举措，大抵如此。呜呼！当涂代汉，周纪乱唐，岂偶然哉？

食禄宜却馈遗也，而有时乎受馈遗。故子产受生鱼，不为伤廉；陈戴受生鹅，不为不义。去国非为饮食也，而有时乎为饮食。故鲁膳不至而孔子行，楚醴不至而穆生去。

怀嬴失身重耳，沃盥奉匜，而以不从不言为善处。蔡琰忍辱羌胡，重归董祀，而以授受不亲为知礼。所谓不能三年而总功是察，放饭流歠而齿决是问者也。虽然，岂直妇人也哉。

袁绍诛宦官，无须多误死；冉闵杀胡羯，多须多滥死。应侯相秦，必杀其辱己者；韩信王楚，反官其辱己者。赵高指鹿为马，阴中其异己者；朱温指大柳宜车轂，反扑杀其佞己者：盖各系其逢也。

周昌以汉高帝比桀纣，而帝不加罪；刘毅以晋武帝比桓灵，而帝以为直。文帝劳军细柳，军尉不奉诏，而帝善之；钱镠微行北城，门吏不启关，而镠赏之：皆帝王盛德之事也。

晋灵公刺客不杀赵宣子，汉阳琳刺客不杀蔡中郎，晋刘裕刺客不杀司马楚之，唐太子承乾刺客不杀于志宁，淮南张颢刺客不杀严可求，西夏刺客不杀韩魏公，苗刘刺客不杀张魏公：孰谓盗贼无义士乎？

《前汉书》表古今人物，其失也混；《新唐书》表宰相世系，其失也滥。备三长如班、欧，犹有此失，矧其他乎？元魏冯后，淫凶弑逆，窃国大柄，而获考终，天网有时而漏也；及胡氏效其尤，则不免于沉河矣。唐之武后，腥秽人纪，冒干历数，而享寿考，天道有时而爽也；及韦氏继其轨，则不免于

授首矣：孰谓不善可稔乎？

隋室既受周禅，苏威遁归田里，可谓节矣，而终失身于僭伪之朝；金庾议立异姓，秦桧抗言见执，可谓义矣，而终误国于渡江之后：令终之难也如此。王莽篡汉，其女为孝平后，称疾不起，守志终身；曹丕篡汉，其妹为孝献后，以玺抵轩，涕泣横流；杨坚篡周，其女为天元后，愤惋不平，形于辞色；徐浩篡吴，其女为太子璿妃，闻呼公主，则涕泣而辞；司马炎篡魏，其诸祖安平王孚，自称有魏贞士，不预废立之谋；武曌篡唐，其侄安平王攸绪弃官不受其赐，归隐嵩山之阳；朱温篡唐，其兄广王全昱，责其灭唐社稷，和有覆宗之祸。此三男子四妇人者，不韪其至亲所为如此，可以见天理人心之不泯矣。茧蚕出也，而蚕非茧则不能藏身以形化；网蛛出也，而蛛非网则不能凭虚而觅食。嗟乎！依凭其躯者，乃出自其腹也。吾于是乎有感。

猩红之罽、狐白之裘，盛夏被之，不若絺绤之便也；文茵之车、朱幘之马，临流乘之，不若帆絳之利也。故曰虑善以动，动惟厥时；动违其时，虽善奚益。

取凉于簟，不若清风之徐来也，然无风则簟不可缺；激水于楫，不若甘雨之时降也，然无雨则楫不可废。是故三王不兴，不可无五伯之功；二典不作，不可无两汉之制。

刘禅既为安乐公，而侍宴喜笑，无蜀技之感，司马昭晒其无情；李煜既为违命侯，而词章凄惋，有故国之思，马令讥其大愚。噫！国破身辱之人，瞻望故都，思与不思何往而不招诮。古人所以贵死社稷也。

狄仁杰含垢忍耻于伪周，而卒成取日虞渊之功；吕好问辱身污迹于伪楚，而竟就溥天左袒之绩。论者犹咕咕动其喙，则夫受唾之师德，仰药之唐恪，果何为哉。

商后为殷，吕后为甫，唐后为晋，魏后为梁，随地以名，夫何常之有。后世或强袭旧名，或别创美号，失古意矣。

叔孙通为秦二世博士，以巧言面谀见赏，而卒为汉儒宗；孔颖达为王世充博士，以草仪禅代见亲，而卒为唐儒宗。皆所谓小人儒宗，而世儒也焉。此二代之所以无真儒也。

欧阳公一代之伟人也，而小人蔑以房帷之丑；文信公百世之人杰也，而谗夫诬以匿服之罪。则夫妻斐之成贝锦，哆侈之成南箕，又奚怪其然哉。

楚庄不罪绝缨之臣，秦缪不罪食马之盗，赵盾食翳桑之餧，顾荣啖执

炙之夫，或得其助以成功，或赖其力以济难。其视华元杀羊，独靳羊斟，而因之丧师；郑灵解鼋，独靳子公，而因之遇弑者远矣。中山君曰：吾以一杯羊羹亡国，以一壶飧得二死士。然则施德之与招怨，岂在大哉。

曾子之妻戏其子，以杀彘而烹彘，以实其戏；孟子之母欺其子，以啖肉而买肉，以明不欺。古人养蒙视幼之法如此。

盗跖以孔子为伪，苏轼以程颐为奸，李傕以董卓为忠，田承嗣以安史为圣。好人之所恶，恶人之所好，古有之矣。跖、傕、承嗣不足道，而轼亦为之君子之不仁，悲夫！

参术以和而起疴，芝兰以馨而熏物，以其昭昭使人昭昭，理之恒也。若夫阿魏以臭而止臭，骨咄以毒而攻毒，以其昏昏而使人昭昭，理固有难喻者矣。

唐明皇好神仙，而张果自称尧侍中；宋章圣悦幻妄，而贺元自称晋水部。皆乘世主耳目壅蔽而售其欺侮也。古之人明目而达聪，视远而听微，彼琐琐迂怪之徒，尚莫遁于造言乱民之刑，矧得而欺侮之。

伊尹之言辟不辟，孔子之言君不君，孟子之言王不王，李云之言帝不帝，其义一也，而云独以是贾奇祸焉。延熹之主，其太甲、齐景、齐宣之罪人哉！

陈、窦谋诛宦官，罹其辛螫，而汉鼎随移；训、注谋诛宦官，遭其反噬，而唐社随屋。社鼯稷狐，熏灌之难如此，履霜灭趾之戒，可不慎乎？

以兆民为兆人，以致治为致理之类，唐人之避讳也；以揖让为揖逊，以倬典为厚典之类，宋人之避讳也。今人或袭而用之，所谓无丧而右拱者也。

六经言道而不遗法，四书言理而不外事。诸国之语，迂缓而不切于事情；战国之策，变诈而不要诸义理。马迁驳而无绪，班固局而不畅。

轩辕崩葬，著于《本纪》，而世有鼎湖骑龙之说；留侯卒谥，见于《世家》，而世有辟谷轻举之说。王子晋十七夭亡，而世有缙氏乘鹤之说；淮南王安谋逆自刭，而世有鸡犬同升之说。汉武曰：天下岂有仙人？尽妖妄耳。亶其然乎。

· 清言小品菁华 ·

读书笔记

(明)祝允明 撰
诸伟奇 郭洁 校点



整理说明

《读书笔记》，一卷，明祝允明撰。

祝允明(1460—1527)，字希哲，号枝山，因右手六指，自号枝指生，又署枝山老樵、枝指道人等，长洲(今江苏苏州)人。明弘治五年(1492)举人，曾七试不第，谒选授广东兴宁知县，迁应天府通判。后托病辞官，回归故里，贫病以终。能诗文，善书法，狂草尤胜，《明史·文苑传》称其“博览群集，文章有奇气，当筵疾书，思若涌泉”，与唐寅、文徵明、徐祯卿有“吴中四才子”之称。著有《怀星堂集》、《苏州小纂》、《罪知录》、《浮物》、《志怪录》、《读书笔记》诸作。

祝允明小品文清隽流畅，吐词命意多有新声。《读书笔记》撰于明成化二十一年(1485)，为作者早年之作。明人王世贞称祝允明“天资颖绝，读书目数行俱下，于古载籍靡所不该浹”，本书即其博览群书后的心得体会。连对明人小品多不以为然的四库馆臣也称该书“言颇近理，不似其他书之狂诞”，而将其收入《四库全书》“子部杂家类存目”。

本书被收入《宝颜堂秘笈》和《学海类编》，民国时商务印书馆《丛书集成初编》据《宝颜堂秘笈》排印。本次整理即据《丛集》本为校点底本。系海内外首次标点面世。

诸伟奇

2012年6月11日

岁乙巳，允明居忧，弗能肆力读书，于事物之理偶有所见，随笔笺记，伺就有道而正焉。

学贵有常，又贵日新。日新若异于有常，然有常日新之本也。

虎狼存父子之仁，蜂蚁有君臣之义，虫盖有时而人也。今人仁不如虎狼，而虐如之；义不如蜂蚁，而毒如之：是人亦有时而虫矣。然虫之人也，进也；人之虫也，退也；人之不如虫也，哀夫。

造化无全功，人类无全才。雨露以生之，雪霜以固之，日月以照临之，雷霆风气以鼓舞而调畅之，彼固各有功焉耳。使求生于霜雪，求固于雨露，求鼓舞于日月，求临照于雷霆风气，得乎？虽谓之废物可也。人之才有巨者，有细者，有高明者，有沉潜者，有宽然而廓以纾、擎然而敛以密者，必欲其令而不颇，天下之人皆废矣。圣人者知其然，故因其才而成就之，斯天地之功也已。於戏！甚哉圣人之似天地也。

见子而欲其孝，不思吾父之欲吾孝乎；临下而猛，不思吾上之不欲其猛乎。触类而为，是思，其过也必寡矣。

鸡司晨，犬傲夜，彼固全其信义之性也，若犹未足贵也。使鸡处无人之地，犬遭箠朴之苦，若可改矣而不改焉，斯尤赋性之坚贞，可贵也。为人而失其性，不失而或改焉者，视鸡犬为何如。

诈人信，敖人孙，非其性然也，丑其称而矫焉尔。然苟欲诈敖，亦何称之足丑。闲官清，丑女贞，非其情然也，势有违而安焉尔。然苟欲污淫，又何势之能违。故君子之于人，取其信，取其孙，取其清，取其贞，它无计焉尔。

人之言也，其犹钟乎，大扣则大应，微扣则微应。如不扣而应，扣而不应也者，人必怪之。

视听持行，耳目四肢，自然之功也。聪明运动，耳目四肢，自然之效也。人惟其自然也，是以功不乱而效自著。至于心乃不任其自然而扰之，欲其虚灵而功效之得也，难矣。

君子之治心也，犹权之称物也，过则损之，不及则克之，斯平矣。然权之取平以人，而心取平即以心耳。不处之重，不内之轻，斯吾心之权乎。

食物各有性，热者不炙手，而寒者不堕指也。至于人食之，则温寒附

于中而证于外，不少爽焉。是知果行，不必为食誓，而至信无假于言说。

齐王见颜斶曰斶前，斶亦曰王前；庄光见光武，卧不起，及其卧也，以足加光武之腹。二子者高则高矣，然君臣之礼可废乎？就使在朋友，且不可若是也，盖高而无礼者欤。以是为训，吾恐无礼于君者有以借口也。

魏子击遇田子方于道，下车伏谒，子方不为礼。曰贫贱者骄人耳，夫其不礼亦可矣。而必曰骄，骄果可有者乎？此战国之所谓贤者也。

原思贫而子贡病之，病之者非也，而思何必谆谆然辩之乎。孔子谓其克伐之难有以夫。

郭巨杀子，不孝也；邓攸绝类，不弟也。陈仲子之廉，非廉也，逆也；宗鲁之义，非义也，党也；叶公之党也直，非直也，悖也。尾生信矣，而信非其所信也；仓梧丙让矣，而让非其所让也。

善观人者观己，善观己者观心。

彩色所以养目，亦所以病目；声音所以养耳，亦所以病耳。耳目之视听，所以养心，亦所以病心。中则养，过则病。

攫金于市，见金而不见人；逐兽者趋，知兽而不知险。况重于金、兽者乎。

犬见人衣帽之不扬则吠之，稍整则亦稍戢，盖彼惟知外美之可贵也。人之知宜辩于犬矣。乃亦唯富贵之敬，贫贱之忽，而不计其贤否何如，是真犬耳。

人之覆忧患者，大较有三：上焉者夷险一致，略无乖异；次焉者激厉固守，坚逾平日；下则陨获而已。观人者尤于是乎易见焉。

为文作字，初无意于必佳乃佳。凡事皆然，不但文字也。

心者体之君也，得丧安危之主也。闻以一人治四海，未闻四体而役一心也。人之以四体而役一心，盖惑于大小繁寡之形耳。然不惑于军民之大小繁寡，而独惑于心体，则习之罪也。故知者皆习。

奉亲孝，事君忠，处长孙，出言信，临财廉，兹非所谓仁知贤人矣乎？人之闻仁知贤人之名，则惕然敬慕，而不知亲也君也长也言也财也，随其敬慕而在耳。不能孝焉忠焉孙焉信焉廉焉，而徒慕仁知贤人之名，是束其足而羨趋者之前也，不亦戾乎。

大道之世，无忠臣，无孝子，无君子善人。其无忠臣也，非无忠也，夫人而莫非忠臣也；其无孝子也，非无孝也，夫人而莫非孝子也；其非君子善人也，非无善也，夫人而莫非君子善人也。

高不虚也,卑不污也,明而无耀也,暗而无昧也,张乎其博而非空也,敛乎其约而非隘也,不偏焉不倚焉其中也,而莫过莫不及也。心之本体盖如此。

弦被木而音声发,丝附织而文章显。学焉未用,而责其功能之茂者不可哉。

· 清言小品菁华 ·

经世要谈

(明)郑善夫 撰
诸伟奇 杨颖 校点

